

UTEBE-IKPE KE MBUQTIDEM

Ñwed Mbon Rome 8:1-39

QYQHỌ UKPEP-ÑKPỌ 353

Eke Mkpawawa

IKỌ IBUOT: “Edieke Abasi adade ye nnyin, anie edikeme ndibiñọ nnyin?”
(Ñwed Mbon Rome 8:31).

Ubiom-ikpe Ke Idiok-ñkpọ

Paul ama etiñ ke ofuri esit esie ete, “Ubiom-ikpe iduhe aba inọ mmọ emi edude ke Christ Jesus.” Jesus ama anam enye ọbọhọ ke uwem idiok-ñkpọ, onyuñ akabare edi Ete-ufok esie.

Ubiom-ikpe edi ñkpọ emi ọnọde owo idiok-esit, anam okop but mme enyene ubiom-ikpe ke idiok-ñkpọ emi enye akanamde mme ke idiok ikọ emi eketiñde, ukem nte obubit enyọñ ke usen emi ofum ofumde ebe ke ikpa-enyọñ onyuñ ofuk utiñ, ntre ke obubit enyọñ ubiom-ikpe emen ukpọñ odip ọkpọñ iso Abasi ke ini owo anamde idiok-ñkpọ. Iso Abasi inenke ye enye; ubọñ Abasi iyamake iduk ke esit ukpọñ oro. Edi ubiom-ikpe ofuk ukpọñ oro nte ọkpọsọñ ntuhube. Ñko iso owo esiwak ndiyarare ubiom-ikpe emi odude ke esit esie.

Edi ke ini owo oro oyomde Abasi onyuñ ọbọde erifen ke mme idiok-ñkpọ, onyuñ ekpede mbio emi enye ekeduede ubok ete efen enọ imọ, kpukpru ubiom-ikpe ewọrọ ke esit esie ndien enye ọbọhọ ubiom-ikpe. Ndien enye ekeme nditiñ ete ke ubiom-ikpe iduhe aba.

Ini kiet Paul ama enyene akamba ubiom-ikpe ke esit esie. Satan ekedi ete ufok esie, ndien Paul ama akpañ utọn ọnọ ete ufok oro, ñko. Ke ini andidiok ọkọdọhọde Paul ete ọtuhọre ikọ Abasi, ọbọp mmọ onyuñ esin mmọ ke ufok-ñkpọkọbi, enye ama anam ntre. Edi ukpuhọre ama odu ke uwem Paul ke usen oro enye okokutde Jesus ke usuñ Damascus. Uñwana emi okofukde enye akayama didie! ñko ekim emi okofukde enye ke ini enye akakade ke usuñ Damascus ọkọtuñọ didie! Ubiom-ikpe emi Paul okokopde okokpon didie ke ini enye ọfiokde ete ke imọ ikofiomomo Jesus Eyen Nazareth ukem nte ikọ Esie! Enye ama atua-mkpọfiok ata eti-eti; enye ama ebeñe Jesus ete efen ọnọ imọ. Ke Paul ama ọkọbọ erinyaña ema esio kpukpru ubiom-ikpe ke esit esie efep. Ikpok-eto ama ọwọrọ ke enyin esie, enye okut usuñ ndien Paul ọtọñọ ini kiet ndinam utom nọ Jesus Christ, emi edide obufa Ete-ufok esie.

Ete-Ufok Iba

“Baba owo kiet ikemeke ndisaña utom mme ete iba.” (Matthew 6:24). Owo kiet kiet anam utom ọnọ Christ, midighe Satan. Edi mmem-mmem ndikpuhọ mme ete-ufok, ndien oro edi se Paul akanamde.

Afo obup, “Nkeme didie ndinyene Christ nte Ete-Ufok mi?” Okure ke ndibọñ akam ke ofuri esit nọ Abasi, ebeñe Enye ete efen ke mme idiok-ñkpọ fo, onyuñ etiñ ọnọ enye ete ke iyenam ñkpọ inọ Enye. Nnyin ikot ke Ikọ Esie ite, “owo eke etienede Mi ndibinke enye nduok” (John 6:37). Ke ini iyip Jesus ofukde ukpọñ fo, efen kpukpru mme idiok-ñkpọ fo ndien afo okop inemesit onyuñ ọbọhọ. Esio ubiom-ikpe ke esit efep ndien afo enyene odudu ndikan idiok-ñkpọ. Eritọñọ obufa uwem! Obufa esit! Ndinam ñkpọ nọ obufa Ete-ufok! “Mmọdo sia ema ekeda mbuqtidem enam ikpe etebe nnyin, nnyin imenyene emem ye Abasi oto ke Ọbọñ nnyin Jesus Christ” (Ñwed Mbon Rome 5:1).

Afanikọñ Emi Odude Ke Idiok-ñkpọ

Satan edi ọkpọsọñ ete-ufok ọnọ owo ndinam ñkpọ nọ. Enye ọñwọñọ ndinọ inemesit, nsọñidem, inyene, ye uwem; edi utu ke oro, enye ọnọ abiaña, udọñọ, ubuene ye mkpa. Kusin idem ke idiok-ñkpọ; kunam mbubru ye idiok-ñkpọ. Kukere ete imekeme ndidia inem ñkpri idiok-ñkpọ ye “inemesit mmọ emi minamke owo idiok,” koro ibighike-bighi afo eyesin idem ke mme ikpọ idiok-ñkpọ ye inemesit emi asañade ye ediwak afanikọñ emi ekemedede ndida ukpọñ fo nsin ke nsinsi ndutuhọ. Dianare kpọñ idiok-ñkpọ mfin emi. Edieke afo muwotke idiok-ñkpọ, idiok-ñkpọ eyewot fi.

Ke ndusuk itie ke esuk Britain ye Scotland, ndusuk ini owo emi asañade ke utatan eyesọp ndikut ete ke utatan oyom ndikabare nyeyire ndien mme idak ikpa-ukot esọñọ ewuhọ. Okposuk edi oro esuk ekeme nditie nte asat, edi nde ikpat owo ọyọhọ ye mmọñ. Owo ekeme ndisaña ke midiñọke afanikọñ emi odude ke esit. Utatan eyesọsọp ofuk enye ukot. Enye afiak edem, edi ke kpukpru ikpat esie enye oduk ke utatan ntọtuñọ-ntọtuñọ akan. Ke okopde ndik enye okut ete ke imọ imọsuhọre iduk ke mmemmem ntan. Enye otop mbiomo esie onim, edi ke ata idiok ini. Osuk esisit ntan ndisim ke edọñ

esie, ndien ọdọk osim isin, osim esit, osim itoñ. Enye atua eseme, edi ibighike inua esie ọyọhọ ye ntan, ndien enye ikemeke ndisioro uyo aba, ndien ofuk enyin esie, ndien enye odu ke ekim idiọk mkpa. Ebiet didie afanikoñ idiọk-ńkpọ! Ndusuk ikemeke ndisọp nte mmem-mem ntan, edi ọsọñ odudu ntre. Ke akpa ifet nte “inem udia,” ndien ke esisit edifiak nsin idem, ibighike enye ọsọp ndikut idem esie nte ọduode oduk ke ńkpọ-ndik emi adade oduk ke nsobo. Ubọk kiet odu emi ekemede ndiñwam ke utọ nnanenyin oro; kiet kpọt odu emi ekemede ndinyaña owo nsio ke mkpa. “Seme nọ mi ke usen ukut: nyebabare fi mbaba” (Psalm 50:15).

Enọ Utip Ufen

Ekedi akwa unyaña ọnọ Paul ndinyene obufa Ete-ufọk emi, Jesus Christ, ih obufa Ete, kpa Abasi ke Idemesie. Emi akanam Paul edi adia-akpa obio-ubọñ, okposuk edi nte inyene esie ke isọñ ekedide esisit. Paul ama ọfiọk ete edieke ibọde ufen ye Jesus mi, usen kiet iyeda ubọñ ye Enye. Enye ama ọfiọk ete, “Anyanya eti ido” (2 Timothy 4:8). Ke ana ebet imọ.

Edieke nnyin ibọde esisit ufen ke ntak Christ, oro edi nso? Paul ama ọdọhọ ete, oro idighe se edade edomo ye ubọñ emi edidide. Ke ini afo okutde ete ke uwem anditiene-Christ ọwọrọ owo ndisin ediwak inemesit ererimbot emi, kere kpa se Paul eketiñde: “Koro erikere ńkpọ obukidem ọwọrọ mkpa” (Nwedi Mbon Rome 8:6). Ke ini afo ekerede ete ndusuk mbio ererimbot ke enyene ediwak inemesit ke uwem ekan fi emi edide anditiene-Christ, kere baña Paul emi ọkọdọhọ ete: “Edieke mbufo edude uwem nte obukidem etemede, mbufo enyene ndikpa” kere baña utit. Kere baña usen emi ńkoñ-koñ ye usuk-usuk, enyene ńkpọ ye ubuene, kpukpru edidade ke iso edinen ebierikpe. Ndien nso edidi udori ọnọ mmọ emi edude uwem enọ suk se idude ke emi?”

“Edi,” afo ọdọhọ ete “Ke mma mbiere ndisuk idem nsin ọsọñ esisit nnyuñ mbọñ akam ńkan, ami ńkut idomo ńkan nte ke ini ńkasañade nnana ekikere” oro ekeme ndidi akpanikọ edi afo ńko emenyene ediwak mfọn emi ekemede ndisaña mbe ke mme idomo. Paul ama ekpep ọfiọk ete idomo mme udomo ekpedi se ededi, “Kpukpru ńkpọ esaña ọtọ kiet enam ufọn enọ mmọ emi emade Abasi” (Nwedi Mbon Rome 8:28). Ke ntre edieke satan ańwanade ndidomo fi ke ndinim ubiọñọ ke usuñ fo, dọhọ ete: “Mfiọkke ntak emi oruk ńkpọ emi, otibede ọnọ mi, edi mọfiọk nte mmama Ọbọñ ke ofuri esit mi, ndien Enye ama mi, ndien Enye ikpeyakke oruk ńkpọ emi otibe ke midighe ke ntak ufọn mi.”

Ima Christ

Paul etre ukpep-ńkpọ emi ke ndibup mbume nnyuñ nno ibọrọ. “Anie edidianare nnyin ke ima Christ?” Afanikoñ, unana udia, mme edisine ńkpọ, ńkpọ-ndik, ekọñ, mkpa, uwem, mme angel, mme odudu, anyan ebiet, mme owo, baba kiet ke otu emi ikemeke ndidianare nnyin ke ima Christ, akanam ima Esie ikpuhọ.

Nte oro ọwọrọ ete owo ama ọbọ erinyaña ini kiet enye ikemeke ndifiak edem aba nnyuñ ntak? Baba, iwọrọke ntre. Edi akpanikọ ete ke ima Christ akanam ikpuhọkede, oro edi ke owo ekperede Enye eti-eti ke ndikpeme nnyuñ ńkot Ikọ Abasi kpukpru ini nnyuñ mbọñ akam eti-eti midighe ntre ima emi owo amade Enye ekeme ndibit. Edieke edide ntre odu ke idiọk itie, koro nte enye asañade aka oyom usuñ ọkpọñ Abasi, enye ke asaña ekpere ererimbot, ndien idighe aba eyen Ete. Ini kiet efen ubiom-ikpe ọyọhọ uwem esie. Nte afo ọmọbọhọ ubiom-ikpe?

MME MBUME

1. Ikọ-ntiense anie ke ewet ke Nwedi Mbon Rome 8?
2. Ọwọrọ nso ndisaña ke obukidem? Me ndisaña ke Spirit?
3. Nnyin isaña didie ifiọk ite ke nnyin idi nditọ Abasi?
4. Ndidianare mkpọñ ima Abasi ọwọrọ didie?
5. “Edieke Abasi adade ye nnyin, anie edikeme ndibiọñọ nnyin?”
6. Kpukpru ńkpọ esaña ọtọ kiet enam ufọn enọ mme anie?
7. Eda didie ukut emi mme anditiene-Christ ekutde ke emi edomo ke ini iso?
8. Edikere ńkpọ obukidem me ńkpọ Spirit ọwọrọ didie?